



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. IV. De Reliquis positive cooperantibus ad damnificationem.

urn:nbn:de:hbz:466:1-40673

lari nominando, quia sic avertitur ab illo delicto, & nulli particulari persona fit injuria.

ARTICULUS IV.

De reliquis positive cooperantibus ad damnificationem.

I. Positive ad damnificationem concurredit etiam Consentiens, Adulator, Receptator, & Participans, præter Mandantem, & Consulentem.

II. Consentiens, nempe Approbans, favens, aut ferens suffragium in delicto, ad restitutionem tenetur, si sic sit causa damni. At quid in dubio an suffragium influxerit in damnum?

III. Qui ex officio tenetur suffragium ferre, ad restitutionem tenetur, si illud omittat, quando ex tali omissione sequitur damnum.

IV. Adulator, aut irrisor si sic damnum causet, ad restitutionem obligabitur, si ad id advertat, quamvis direxte illud non intendat.

V. Quinam dicatur Recursus probens, ac Receptans? Et quando hic ad restitutionem teneatur? Etiamsi rationabiliter dubitet, quod ex furis receptione damnum sit secuturum, adhuc ad restitutionem obligabitur.

VI. Caupones, qui chartas, sedilia, lumen concedunt ius, qui aliena pecunia ludunt, ad restitutionem teneantur; non tamen si permittant illos domi sua palam ludere.

VII. Qui furem receptat amiciu[m] causa, ad restitutionem non teneatur, nisi sic sit causa, quod res furio sublata non restituatur, aut quod novum damnum causetur. Quoniam pacto possint Advocati fures defendere?

VIII. Si te non receptante furem, ab aliis facile recipiaretur, illum adjuvando ad fugiendum, & non

concurrendo ad injustam retensionem, num tenearis ad restitutionem?

IX. Participanis nomine venit, qui prestito auxilio formaliter ad damnum cooperatur.

X. Excusantur participantes, qui gravi metu adiungunt ad opus non malum intrinsecus; ut qui remigant capti a Turcis in triremibus adversus Christianos; aut qui metu mortis praebent furi claves ad furandum.

XI. Quid si quis adjuvet furem, qui sine tali auxilio adhuc idem furtum facturus esset?

XII. Pravidens quod furtum, aut homicidium sit imputandum alteri innocentis, tenetur etiam huic damnum, quod inde reportat, compensare.

L. PRæter Mandantem, & Consulentem, positive etiam ad damnificationem cooperatur Consentiens, Palpo, Receptator, & Participans, de quibus sigillatum agendum.

II. Quæritur primo, Quisnam dicatur, & quando teneatur ad restitutionem Consentiens?

Respondeo, Consentientem dici, qui approbat damnificationem, aut favet, aut fert suffragium in delicto; Verbi gratia, si quis e Magistratu, vel Capitulo suffragium, vel consensum præstet ad decernendam legem damnosam, aut ad eligendum indignum, & Ecclesiæ perniciosum. Ut autem consentiens ad restitutionem teneatur, requiritur, ut damnum ex vi suæ approbationis, vel suffragii sequatur, ut diximus de mandato, & consilio; aliter non dicitur causa etiæc damni. Quare si Princeps, verbi gratia, decernat firmiter legem injuriam, & deinde advocet Senatores, ut illam approbent, peccant quidem Senatores approbando, sed ad restitu-

tutionem non tenentur, quia eorum approbatio non influxit in legem iustam, utpote jam antea decretam. Quod si dubitetur an influxerit approbatio, dubium decidendum est, sicut diximus articulo superiore num. 4. de Consilio, in dubio an influxerit ad damnificationem. Quod si damnum decernendum sit a quinque suffragantibus ad plura suffragia, & post tria sufficientia addatur quartum non necessarium, art. 1. num. 5. resolvimus, an teneatur ad restitutionem, qui dedit hoc quartum suffragium, sive secretum fuerit, & incertum, sive publicum, & certum.

III. Illud hic dumtaxat notandum cum Molin., Dian. part. 3. tract. 2. resol. 6., quod non solum qui fert suffragium injustum ad restitutionem teneatur, si sit causa efficax damni, sed etiam qui non fert suffragium, ad quod ex officio tenetur, quando tale suffragium in bonum alicujus, vel Republicæ redundaret. Ex quo infert Dian., quod qui ex officio tenetur, non potest licite abesse, veluti renunciando favori, quem habet ferendi suffragium, sed debet omnino illud terre, itaut si ex defectu sui suffragii damnum aliquod sequatur, non solum peccet non ferendo sententiam, seu suffragium, sed etiam ad restitutionem teneatur, quippe qui ex justitia tale damnum impedire tenetur, cum ex officio suo debeat suffragium ferre, a quo damnum impediatur.

IV. Quæritur secundo, Quisnam dicitur, & quando teneatur ad restitutionem Palpo, seu Palpator?

Respondeo, Palpatorem dici, qui laudando, vel adulando alium, aut econtra irridendo, & notando illius ignaviam, est causa efficax damnificationis: puta si quis commemorando hominis injuria affecti nobilitatem, corporis vires, &c., vel exaggerando acceptam contumeliam, dedecus, &c.,

illum ad injustam vindictam, & danni illationem concitat. Tenetur autem ad restitutionem Palpo, etiam non laudet, aut irrideat animo, ut damnum alteri inferatur; Satis enim est, si prævideat damnum ex tali laude, aut irrisione securum; Si tamen inculpabiliter ad id non adverteret, certum est, quod ad restitutionem non teneretur ob defectum voluntatis. Requiritur etiam ut alter sine tali adulazione damnum non esset illatus ad hoc, ut palpator ad restitutionem teneatur, ut diximus de consentiente, mandante, consulente.

V. Quæritur tertio, Quisnam dicitur, & quando teneatur ad restitutionem Receptans?

Respondeo, quod Receptor, seu recursum præbens dicitur ille, qui latroni, verbi gratia, antequam furtum committat, præbet habitationem, equum, pecuniam, honores, officia, favores apud principes, & Magistratus; necnon qui retinet illum in amicitia, aut defendit in judicio, & similibus aliis auxiliis quomodocunque fovet, ac nutrit, securitatemque præstat ad damnificandum, aut ad non restituendum. Hujusmodi autem Receptor procul dubio ad restitutionem tenetur, eo quod sit causa efficax damni.

Ut autem ad restitutionem teneatur, requiritur Primo, ut damnum securum sit ex tali recursu, quia nimis fur ex tali recursu movetur vel ad damnificandum simpliciter, vel ad damnificandum cum majori securitate; ut si quis furetur, quia habet Advocatum, vel Judicem, a quo defendatur, vel liberetur; aut si occidat, quia amicus promisit recipere illum domi sua, vel commode equum, quo fugiat; vel quia habet amicitiam Principis, a quo protegitur; aut si quis officialis ferat sententias injustas propter officium sibi datum a Princeps.

pe. Secundo requiritur, ut talis receptorans credat, aut dubitet probabiliter damnum futurum ex tali recursu, aut quod id ignoret ignorantia crassa; hec enim ignorantia in casu nostro equiparatur scientie; sicuti etiam equiparatur scientiae rationabilis dubitatio de damno; nam qui rationabiliter dubitat, an sit futurum damnum ex sua receptione furis, & adhuc illum receptat, exponit se periculo cau- sandi damnum injustum: Ex Ecclesiast. enim *Qui amat periculum, peribit in illo.*

VI. Ex dictis sequitur primo, quod parentes, consanguinei, amici, elemosynarii, aliique, qui domi retinent filios, consanguineos, amicos, hospites, illisque tribuunt necessaria eorum statui, non peccent, nec teneantur ad restitutionem, quamvis advertant ex negatione talium rerum necessaria- rum eos cessaturos a damnificando: Ratio est, quia quamvis sine his rebus necessariis non fieret damnum, (sicut neque sine conservatione divina,) ta- men neque ex natura rei, neque ex intentione operantis haec sunt ordina- rie media ad damnificandum; neque enim ideo quis occidit, aut furatur, quia in hac domo habitat, vel quia comedit, &c.: Dixi, ordinarie, nam si aliquando ea essent media ad da- mnificandum, ut si quis haberet hinc maiorem opportunitatem furandi, transeundo, verbi gratia, ex hac in aliam domum, in qua furetur, certe non possent ea praestari sine culpa, & onere restitutionis. Hinc Bonac. punct. 9. num. 3. cum Molin., & aliis ad restitutionem obligat Cauponarios, qui concedunt sedilia, mensas, lumen, chartas iis, qui ludunt aliena pecunia, non tamen si illis nihil necessarii præ- bent ad ludendum, sed solum per- mittunt, quod in sua domo ludant, nec illos occultant, &c.

VII. Sequitur secundo, quod qui

Pars III.

post factum furtum recipit domi fu- rem, aut illum adjuvat, ut fugiat ra- tione consanguinitatis, vel necessitatis, vel ob metum mortis, aut humanita- tis, vel hospitii causa, neque teneatur ad restitutionem; modo non concur- rant haec duo; primum, quod talis re- cursus non sit probabiliter causa novi damni, aut causa ne resarciantur da- mnnum illatum; tunc enim recursus esset causa efficax hujus novi damni; atque adeo reciperetur fur non solum materialiter, sed etiam formaliter; ut loquitur Sayrus lib. 10. tract. 2. cap. 2. Unde recursum præbens ad restitu- tionem tenetur: Secundum est, quod talis recursus non impedit, ut dixi- mus, damni illati restitutionem. Un- de Medin. quæst. 2. dub. 2. ad restitu- tionem obligat eos, qui pro fure apud Principem, vel Judicem inter- cedunt, ne male ablata restituere co- gatur; aut alias favorem impendunt, quominus possint aliena recuperari, factum excusando, & reum defenden- do, ut passim, inquit, Advocati face- re solent: Quamvis Molin. disp. 733. Dicast., & alii excusant Advocatos, & Procuratores, quando defendant in judicio fures, excusando eos in iis dumtaxat, in quibus ipsimet fures possent se juste in judicio defendere, ut possint, quando delictum est occul- tum, aut semiplene probatum, aut quando iniuste vexantur, juris ordine non servato. Ratio est, quia in his casibus Advocati non defendant fures in quantum fures, sed in quantum ha- bent jus se defendendi in prædictis.

VIII. Eodem pacto Less., Lug., Bo- nac. punct. 9. excusat eum, qui post commissum delictum a fure, hunc abs- condit, & adjuvat ad fugiendum; Si enim non dat spem refugii in posterum, nec alio modo concurrit ad injustam retentionem rei furtivæ, non censetur causa efficax damni; Unde sicuti li- citum est delinquenti fugere; ita pati-

K tec

ter licitum est aliis illum adjuvare ad fugiendum. Aliam etiam excusationem dat Rebel. apud Tambur., quando scilicet si non recipetur a te fur, & que ab aliis in suo diversorio recipetur; Etenim cum in tali casu damnum a fure certe inferendum sit, non censeris tu causa efficax damni per hoc, quod furem abscondas. Ex quibus patet, quomodo intelligenda sit excommunicatio in Bulla Cœnæ contra receptatores hæreticorum; intelligenda est de receptoribus hæreticorum formaliter, seu inquantum hæretici sunt, non materialiter.

Sequitur tertio. Magnates, Parentes, dominos teneri ad restitutionem damnorum, si vassalli, filii, servi damnum inferant, fidentes eorum potentiae, & protectioni; dummodo illi hoc advertant, & dissimulent. Ratio est, quia censentur causa efficax damni.

Sequitur ultimo, eos, qui res furtivas receptant, & quomodounque conservant pro fure, teneri ad restitutionem, quamvis nihil ex iis rebus sibi retineant; Etenim receptatio rei alienæ ad hoc, ut dominus non possit illam recuperare, est evidens damnificatio proximi. Quare si quis abscondit domi sua furem cum spoliis fugientem, potest quidem, ut diximus cum Less., furem non manifestare, sed tenetur, si potest, sine gravi incommmodo, aut metu non dare illa spolia furi, sed domino; etiamsi promisisset, jurasset, & vovisset dare illa furi; quandoquidem votum, & juramentum de re illicita non obligant, cum non sint vinculum iniquitatis, ut notat Navar. lib. 3. cap. 4.

IX. Quaritur quarto, Quisnam dicatur, & quando teneatur ad restitutionem Participans?

Respondeo, nomine Participantis non venire, qui quomodounque ad damnificationem cooperatur; sic enim

confunderetur cum mandante, considente, & aliis, sed venire, qui praestito auxilio, vel subsidio ad damnum inferendum formaliter cooperatur; ut eslet Notarius conficiens instrumentum usurarium, & testes subscribentes in gratiam mutuantis, faber ferrarius subministrans clavem ad furandum, qui scalas furi tenet, qui comitat, eique assistit animi augendi causa, qui vigilem, & exploratorem agit; Item qui simul furtum exequuntur, necnon mediatores, seu proxeneta, (vulgo Sansari,) qui ad contraetus usurarios in gratiam mutuatoris inducunt, & pecuniam usurariam exigunt; Vel qui vendunt, aut distrahabunt res, quas alter furatus est; Omnes isti ad restitutionem tenentur, tanquam participes furti, cum sint pariter causa efficax damni.

X. Excusantur primo non solum ab onere restituendi, sed etiam a culpa, qui gravi metu coacti participant in opere non intrinsece malo; Sic excusantur Christiani capti a Turcis, si metu mortis, vel gravis incommodi coacti remigant in tritemibus adversus Christianos; talis enim actio non est intrinsece mala, cum Turcae possint eis bene uti, ut communiter docent Doctores apud Bonac. hic contra Navar. cap. 27., & alios; Contra vero, neque a peccato, neque ab onere restitutionis excusantur iidem Christiani, si metu mortis compulsi ignem bombardis admoveant non ad terendum solum, sed ad occidendos Christianos; aut si sagittas emittant, &c; talis enim actio occisiva innocentis, & injuste damnificativa est intrinsece mala, ut notat Vsq. cum aliis; Immonec excusantur a remigando ex Bonac., quando ex remigatione magnum Reipublicæ Christianæ incommodum oritur; quia bonum publicum prærendum est privato.

Excusantur pariter, qui metu mor-

tis compulsi præbent furi claves, aut instrumenta ad furandum, scalas tenent, &c., quia hujusmodi actiones sunt indifferentes; & quamvis proxime ad peccatum concurrant, metus ramen mortis sufficiens est ad excusandum, qui materialiter peccato alterius cooperaretur. Nemo autem potest arcas alienas effringere immediate, aut res alienas e fenestra projicere, metu injecto, nisi faciat animo compensandi damnum, aut nisi credat dominum non fore rationabiliter invitum, puta si projiciendæ non sint gravis momenti, & metus injectus sit valde gravis, ut notat Less. apud eundem Bonac. Proscripta tamen est ab Innoc. XI. thesis 51., quæ habet: *Famulus, qui submissis humeris scienter adjuvat herum suum ascendentem per fenestras ad suprandam virginem, & multoies ei subservit, deferendo scalas, aperiendo januam, aut quid simile, cooperando non peccat mortaliter, si id faciat metu notabilis detrimenti, puta ne a domino male tractetur, ne torvis oculis aspiciatur, ne domo expellatur:* De qua plura notavimus in Trutina damnatarum thesiuni illam exponendo.

Excusantur demum, qui materialiter cooperantur ad damnum, quando cooperatio est remota; & etiam sine tali cooperatione damnum ab altero fieret; Exemplum affert Paludan. apud Laym. de famulo usurarii, qui pecunias jussu domini numerando, aliud non facit, quam suas manus denigrare; quandoquidem etiam secluso auxilio famuli ab ipsomet domino pecunie numerarentur; & præterea actio numerandi pecunias, ad quam famulus concurrit, est de se indifferens, & non intrinsece mala, nec immedia te concurrens ad usuram: Aliud exemplum affert Laym. de ancilla, quæ dominæ suæ obediens asportat cistam furtivam, quam cæteroqui ipsa domina asportaret.

XI. Quod si sine auxilio famula domina cistam asportare non posset, famula non liberaretur ab onere restitutionis, etiamsi non deesset alia famula, a qua asportaretur, ut notavit Adrian.; quia vere concurreret ad furtum efficaciter; Neque enim fur excusat a restitutione, quando furatur rem, quam alius furatus esset, nisi præveniret, ut notat Navar. loc. cit. Ubi etiam docet ex D. Th., Particularem non teneri ad restitutionem, quando non fuit causa, sine qua non: Verbi gratia, quando quis comitatur furem, qui sine tali comitatu adhuc sine dubio tale furtum esset commissurus, tunc comitans ad restitutionem non tenetur: Immo si Petrus ad juvandum furem rapientem centum, ipse rapiat quinquaginta, quamvis adjuvet furem, tamen non tenetur restituere, nisi solum quinquaginta, quando sine suo auxilio adhuc fur esset rapturn illa centum, nec uterque ad totum furtum concurrit, sed singuli ad partem suam. Hæc probabiliter, sed probabilius videtur opposita sententia Vasq., ut diximus articulo superiori.

XII. Quæritur ultimo, An quando damnum, puta furtum; vel homicidium factum a Titio, putatur factum a Cajo, qui proinde incarceratur, facit multas expensas, non lucratur; &c., teneatur Titius non solum reparare damnum illatum tertio per furtum, aut homicidium, sed etiam reparare damnum Caji innocentis, cui tale furtum, aut homicidium imputatur.

Respondeo tunc solum teneri ad reparanda damna Caji innocentis, quando ante factum prævidit delictum suum imputandum Cajo, ut docet Cardinal. lib. 2. quæst. 31. art. 3., quia tunc damnum Caji innocentis esset a se volitum, saltem in causa; & ideo sibi imputaretur ad culpam contra justitiam: Non tenetur autem in his tribus casibus, primo si non prævidit,

quia malum non præsum in sua causa non potest pertinere culpabiliter ad peccatum, & volitionem causæ. Secundo, si damnum Caji innocentis postea cognitum placeret; quia hoc non esset peccatum iustitia exterioris, sed interioris, quæ non trahit onus restitutionis. Tertio, si Titius damnicator prævidet ex suo facto securam legitimam condemnationem Caji vere nocentis; tunc enim esto peccet contra charitatem, at non contra iustitiam, cum Caus meritas pœnas luat; Sicuti non peccat contra iustitiam, nec restituere tenetur, qui contra charitatem non præmissa correctione fraterna accusat, aut denunciat aliquem delinquentem, qui nihil iuste patitur.

ARTICULUS V.

De Cooperantibus negative ad damnificationem.

- I. Ad restitutionem tenentur *Mutus*, Non obstans, Non manifestans, si contra iustitiam peccent non impediendo damnum proximi.
- II. In his oritur obligatio ex iustitia, non solum ex contractu, sed etiam ex quasi contractu, seu ex officio.
- III. Qui omittit impedire damnum, quod etiam post obstatu sequeretur, ad restitutionem non obligatur, nec peccat, quamvis ex iustitia secundum se impedire illud teneatur.
- IV. Testis legitime interrogatus, qui non detegit veritatem, prout debet ex iustitia legali, non tenetur probabiliter ad restitutionem damni, quod inde sequitur.
- V. Nec tenetur Confessarius, immo probabiliter nec Parochus, qui culpabiliter omittit monere pœnitentem de restitutione facienda. Nec Pater, si filii denegat alimenta, qua ex pietate iis debet.

- VI. Famuli non tenentur ad restituendum, si non impediunt furtum domesticorum; secus vero extraneorum.
- VII. Custodes vesticorum, saluum, vienae ad restitutionem damni tenentur, si illud non impediunt; non tamen ad restitutionem pœna, quam deberet solvere delinquens.
- VIII. Judices, & Episcopi si malo suo exemplo alios inducunt ad furandum, probabiliter ad restitutionem damni non tenentur. Sed probabilitas est, quod teneantur; Unde probabilitas Episcopi censuras, & irregularitatem incurruunt, si non impidiunt percutiendum Clerici, & homicidia.
- IX. Qui non tenetur ex iustitia revelare furem, potest ab eo aliquid accipere ne revelaret; dummodo illud non sit pars furti; nec per hoc fur redatur animosior ad furandum. Quid si hic legitime a Judice interrogatur de fure?

I. **M**utus, Non obstans, Non manifestans dicuntur negative ad damnificationem cooperari. Est autem mutus, qui loquendo, reprehendendo, clamando, consulendo potest impedire damnum proximi, & tamen tacet: Non obstans vero dicitur, qui potest damnum impedire obstante, seu præbendo suum auxilium, & operam, & tamen non præbet: Demum dicitur non manifestans, qui potest revelare, aut damnum inferendum, ne inferatur, aut damnum illatum, ut resarciantur, & tamen non revelat,

Quæritur nunc primo, Quando ad restitutionem teneantur isti, qui negative cooperantur ad actionem iustum?

Respondeo, ut ad restitutionem teneantur, non satis est, quod peccant contra charitatem, non præbendo auxilium, non revelando, sed debent peccasse contra iustitiam; atque adeo nisi ex iustitia teneantur impedire damnum proximi, quamvis negative fe-

ge-